

Ekainak
29 Junio

GREBA OROKORRA

gure eskubideak defendatzeko

¡Basta de imposiciones!

Duela urtebete, gehiago sindikalak greba orokor bat deitu genuen. Ordurako milaka lagun sartuak ziren langabeziaren zerrendetan, eta xantaia hedatzen ari zen, banaka zein negoziazio kolektiboan. Greba hura mezu argi bat emateko deitu genuen: politikak aldatu ezean, gainean izango genituen murrizketak eta erreformak. Denborak arrazoia eman digu.

Aginte ekonomiko eta finantzarioa, berak sortu duen krisiaren aitzakiaz, oldarturik dabil aberastasuna metatzeko eredu ekonomikoan inongo aldaketarik eman gabe. Ongizate Estatutzat ezagutu dugunarekin bukatzea du helburu.

Agintean daudenak bere esanetara makurtu dira eta, honela, espainiar gobernuaren hartzen ari den neurri oro eta EHAE eta Nafarroako administrazioek kopiatu eta ezartzen dutenak, (sektore publikoan soldadak eta aurrekontuetan gizarte gastuaren murrizketak, pentsioen izozketa eta zerbitzu publikoen narriadura) bakar batzuen mesederako dira, behar gehien dutenen kontura gainera.

Espainiar sindikatuak, CCOO eta UGTk, parte hartu dute patronala eta espainiar gobernuarekin izandako erreformen negoziazioan, funtsean gizarte kontrola eta desmobilizatzeko eratu den "elkarrizketa soziala" ren eredu erreperatatzeko. Gainera, ez dagokien ordezkariak bereganatzen dute joku arauak hautsiz eta Lopez eta Sanzen politikei babesa emanaz.

Orain lan erreformarekin datozkigu, krisia sortu duten arazoak konpondu ezean horietan sakondu egiten dituen lan erreformarekin. Eta behin betiko onartuko den lan erreformaren edukiak are eta okerragoak izan daitezkeela ohartarazi nahi dugu.

ERREFORMA HAUEN NORABIDEA

Erabakitako guztia, norabide batean doa:

- kasu guztietan langile-klasearen eta pentsiodunen laguntzak eta eskubideak murrizten dira
- den-dena botere ekonomikoaren eskariz egiten ari dira
- gobernura iristeko aukera duten alderdi politikoak norabidearekin bat datoz
- komunikabide handien babesa jaso dute

NEURRI ANTISOZIALAK

- gizarteko kide gehienak pobretu, krisia luzatu eta langabezia areagotzen dutelako
- gizarteak edukirik ezagutu gabe 'egosten' direlako, demokraziaren aurkako norabidean
- erreforma laboralaren moduan, epeak luzatu eta egutegia baliatzen dutelako gizartearen erantzuna antolatzea eragozteko

ALTERNATIBARIK BADAGO

- eskubide murrizketa hauen aurrean erantzun gogorra eman behar diegu, kontraboterean oinarritutako erantzuna, hain zuzen. Inoiz baino beharrezkoa dugu sindikalgintza aldarrikatzailea, hauxe baita modu bakarra gure lan eta bizi baldintzak hobetzeko. Sindikalgintza honetatik bakarrik etor daitezke euskal langileok exijitzen ditugun aldaketak

- aginte ekonomikoaren menpe eta beren zerbitzura dauden politikak aldatu behar ditugu. Ekonomia pertsonen zerbitzura behar du eta ez alderantziz. Nahikoa da, aldebakarreko erabakiz, betiko handiak aberastea langile klasea pobretzearen kontura. Guri dagozkigun gaietan langileok parte hartzeko eskubidea behar dugu

- euskal langileok plazaratutako aldarrikapenak kontutan izateko garaia da. Horren harira, euskal alderdi politikoek aukera egin behar dute Madrilen inposaketak onartu edo euskal langileen interesen defentsan aritzeko arteko hautuan. Euskal langileok marku berri bat exijitzen dugu non gure eskubideak, sozialak nahiz lanekoak, defendatzeko behar diren politikak Euskal Herrian erabaki daitezten

GEHIENGO SINDIKALAK EXIJITZEN DUGU:

- espainiar gobernuak plazaratutako lan erreforma bertan behera uztea

- Hego Euskal Herriko instituzioen politika publikoen erabateko aldaketa, "hamar urrats" proposamen sindikalean jasotakoaren haritik eta 132.000 sinaduren babesa jaso zuena. Halaber, langile klasearen aurka iragartzen den edozein erreforma dela eta, horien aurkako konpromiso irmoa

- guri eragiten dizkiguten gaietan erabaki ahal izateko partehartzerako tresnak bermatuak izan daitezela; honela, justizia sozialean, aberastasunaren eta lanaren banaketan, produktiboa nahiz erreproduktiboan, oinarritutako marku berri bat eraiki ahal izan dezagun

- gizon eta emakumeen arteko berdintasunean oinarritutako Lan Harremanen eta Babes Sozialerako Euskal Esparrua garatzea, ekonomia, lan eta sozial arloko gure politikak erabaki ditzagun, eta negoziazio kolektiborako esparru propioa izango duena

ELA-LAB-ESK-STEE/EILAS-EHNE-HIRU

ERREFORMARI EZ

kaleratzea erraztu eta merkatu egiten du

- legea aldatzen du, orain arte kaleratze bidegabeak zirenak bidezko eta objektibo bihurtzeko. Honela lan egindako urteko 45 eguneko kalteordaina (gehienez 42 hilabete adinekoa izan zitekeena) 20 egunera jaisten da, eta gehienez urtebete adinekoa izango da

- sustapeneko kontratu finkoa hedatu nahi dute. Kontratu finko berrien kalteordaina, kaleratze bidegabea denean 33 eguneko izango da, gehienera ere 24 hilabete adinekoa

- eskubideak denei murrizten zaizkie, lanean lehenagotik ari direnei eta kontratu berriei eragiten die. Inork ez dauka segurtasunik, eta aise kaleratu ahan izango gaituzte, eskubiderik gabe eta kalteordain oso txikien truke

- modu honetan gure kaleratzeak diru publikoz finantzatzen da

hitzarmenak ez betetzeko bidea irekitzen du; negoziazio kolektiboari eraso egiten dio

- enpresei erraztasun gehiago ematen zaie hitzarmenean finkatutako soldata ordain ez dezaten

- lan-malgutasuna areagotzen da, eta enpresaburuei botere handiagoa ematen diete adostasun sindikalik gabe hitzarmeneko baldintzak aldatzeko (ordutegia, lanaldia banatzeko modua, txandak, funtzioak...)

- hau guztia negoziazio kolektiboari egindako eraso larria da

EZ GARA SALGAIK

Krisi guztien artean hau izan da patronalarentzako merkeena. Aldi baterako kontratuak enpresetan gainezka zirela, jende gehiena kalteordainik jasotzeko eskubiderik gabe kaleratu dute. Erreforma honekin jendearen beldurra baliatzen dute, eta lan-baldintza duinak dituzten beharginak enplegu prekarioa hedatuz ordezkatu nahi dituzte. Jendea kalera botatzen dute, diru kopuru miserable bat emanda. Eta erreforma honek kolektibo guztiak ukitzen ditu: enpresetan eta sektoreetan kontratu finkoa duen jendea (zergati ekonomikoak argudiatuta kaleratzeko kalteordain urri bat aski da); aldi baterako kontratua duten langileak; lan-merkatua sartzen direnak... Guztiak ere neurri oso gogorrak, erantzun indartsua eskatzen dutenak.

ELA-LAB-ESK-STEE/EILAS-EHNE-HIRU

gure eskubideak defendatzeko

¡Basta de imposiciones!

Ekainak
29 Junio

GREBA OROKORRA